

# **REFERAT AIA - Aningaasaqarnermut Inuussutissarsionermullu Ataatsimiititaq d. 25-03-2021**

**Mødedato** Torsdag d. 25. marts 2021 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Qimarnguik – Arnanut meeqqanullu persuttagaasimasunut qimarnguik katsorsartinnissamillu neqer	7
Aalajangiiffigisassat.....	10
2020-imi Nunaqarfinnut aningaasaliissutaasunit atorneqanngitsut.....	11
Restaurant Nasiffik, Nuussuaq imigassamik aalakoornartortalimmik sassaallersinnaanermut akuersi	16
Paamiut Katersugaasiviannut malittarisassat allannguutaat.....	19
Suliat Kommunalbestyrelsimut ingerlateqqitassat.....	23
Nuummi qimminik aneerussisarfik.....	24
Meeraaqqerivik Amaagajaaq, Tasiilaq, nakkutilliiffigiartorlugu pulaarneqarneranit ilisimatitsissut...	27
Siunnersuut Kommunimut pilersaarummut tapiliussaq L7-1 Icefiord Lodge Nuuk, Kapisillit.....	31
Kommunimut pilersaarummut tapiliussap 1C14-4, Nuutoqaq, Nuuk inaarutaasumik akuersissutigini	34
Holmit Illuat, B-615 Nuummiittoq.....	38
Taasariaqartut allat.....	42
Lukket.....	43
Imaqarniliap akuerineqarnera.....	44

## **Punkt 0: Saqqaa**

### **Ilaasortat**

Charlotte Ludvigsen (IA) *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

### **Beslutning**

Peqataasut:

Charlotte Ludvigsen (IA), Uju Petersen (IA) Charlotte Pike-mut (IA) sinniisoq, Jens Kristian Berthelsen (S) aammalu Peter Davidsen (S)

Oqarasuaatikku:

Knud Mathiassen (IA) Harald Bianco-mut (IA) sinniisoq, Henrik Rachlev (IA) aammalu Justus Hansen (D)

Peqataasinnaanatik nalunaartut:

Charlotte Pike (IA) aammalu Harald Bianco (IA)

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## Punkt 2: Nalunaarutit

### Beslutning

1. Najukkami Ataatsimiititaliap malittarisassai malillugit maajip ulluisa 26-anni 2021-mi Kommuneqarfik Sermersuumi Najukkami ataatsimiititalianut tamanut qinersisoqarnissaa borgmesterip akueraa. Najukkami Ataatsimiititaliamut qinersinissamik nalunaarutiginninneq pissaaq maajip ulluisa aqqaneq aappaanni 2021-mi (qinersinissamut sapaatip akunneri marluk sioqqullugit). Najukkami Ataatsimiititaliamut qinersinissamut qinigassanngortittunik nalunaaruteqarnissaq piffissami maajip ulluisa aqqaneq aappaaniit 18-iata tungaanut 2021-mi pissaaq.
2. Inuussutissarsiornermut Siunnersuisooqatigiit aamma Sermersooq Business inuussutissarsiornermut takornariaqarnermullu periusissiamut immersueqataatitsiniarlutik Nuummi, Paamiuni Tasiilamilu inuussutissarsiornermut isumasioqatigissitsippat. Borgmesteri isumasioqatigiinnerni tamani ilaannakoortumik peqataavoq. Workshoppinut nalinginnaasumik pitsaasumik naliliisoqarpoq periarfissallu pitsaasut amerlasuut sulissutigineqaqqittussat suussusersineqarlutik. Qinersisoqareerpat kommunalbestyrelse nutaaq peqatigalugu workshoppertoqassaaq inuussutissarsiornermi suliniutit tunngavigalugit anguniakkat aalajangersarneqarnissaat siunertaralugu
3. Marsip ulluisa 22-ianni Kulturi pillugu siunnersuisooqatigiit Aningaasaateqarfik Sermermut qinnuteqaatinik suliaqarpoq. Katillugit qinnuteqaatit 54-it 5,5 mio kr.-inik nalilit suliarineqarput. Taakkunannga qinnuteqaatit 22-it, Kulturi pillugu siunnersuisooqatigiinnit akuersissutigineqarput. Taamaasilluni suliniutissanut katillugit aningaasaliissutigineqarput: 1.517.500 kr.-it.

## **Punkt 3: Ilisimatitsissutit**

## **Punkt 03A: Qimarnguik – Arnanut meeqqanullu persuttagaasimasunut qimarnguik katsorsartinnissamillu neqeroorut**

### **Beslutning**

Ilisimatitsissut tusaatissatut tiguneqarpoq.

### **Bilag**

Qimarnguimmut suliniummut allaaserisaq

## **Qimarnguik – Arnanut meeqqanullu persuttagaasimasunut qimarnguik katsorsartinnissamillu neqeroorut**

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Meeqqanut Ilaqutariinnullu Sullissivik Nuummi qimarnguimmut pioreersumut periusissiamik nutaamik ineriartortitsivoq. Pinartumik inisimmaveqartarnerup atuuttup qaammatinik pingasunik sivissusillip saniatigut katsorsaaneermik qaammatinik arfinilinnik sivissusilimmik qimarnguik massakut aamma neqerooruteqalerpoq. Taamatuttaaq qimarnguiup ilua qaamanerulersillugu angerlarsimaffippalaarnerulersillugulu nutarterneqarpoq.

2020 tamakkerlugu qimarnguiup ineriartortinneqarnera sulissutigineqarpoq massakkullu Meeqqanik Ilaqutariinnullu Sullissivik inaarutaasumik inernerit saqqummiunnissaannut piareerpoq.

Suliaq Meeqqanut Ilaqutariinnullu Ataatsimiititap marsip ulluisa 11-ani 2020-mi ataatsimiinnerani oqaluuserineqarpoq, ataatsimiitallu ilisimatitsissut tusaatissatut tiguaa suliarlu ilisimatitsissutitut Aningaasaqarnermut Inuusutissarsiornermullu Ataatsimiititamut ingerlateqqillugu.

### **Inassuteqaat**

Meeqqanut Ilaqutariinnullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- qimarnguimmut siunertarisap annertusineqarnissaa pillugu ilisimatitsissut tusaatissatut tiguneqassasoq

### **Suliassamik saqqummiussineq**

Qimarnguik maannakut aqqissuussaaneermi 2003-mili Nuummi Meeqqanut Ilaqutariinnullu sullissivimmut ilaavoq. Arnat qimarnguimmi inisimasut massakkumut oqaloqatigiinnernik siunnersorneqarnemillu neqerooruteqarfigineqartarput. Taamatuttaaq arnanut tapersersoqatigiinnissamik neqerooruteqartoqartarpoq.

Kommuneqarfik Sermersuup qimarnguiup neqeroorutaasa annertusinerisigut meeqqat angerlarsimaffimmi nakuuserfiusartumi peroriartornermini atugaasa pitsanngortinnissaat kissaatigaa.

Qimarnguik taamaallaat pinartumik inisimatitsivittut piffissamilu sivikitsumi oqaloqatiginniffittut neqeroorutaannaajunnaassaaq. Qimarnguik aamma arnamut piffissami sivissusummi nakuuserarnerup kinguneranik ajoqutaasinnaasunik ilisimasaqarnerulernissamut periarfissaassaaq, taamaalilluni arnap nakuuserfiunngitsumi inuuneqarnissamut aallariarsinnaanera annertusisinnegassalluni. Taamaattumik qimarnguik massakut katsorsaaneermik qaammatinik arfinilinnik sivissusilimmik katsorsaaneerullu kingorna malinnaavigineqarnissamik taamatuttaaq sivissusilimmik aqqissuussamik neqerooruteqalerpoq.

Katsorsaaneq arnap qimarnguiullu suleqatigiinnerannik tunngaveqassaaq. Neqeroorutaanerata erseqqissarnissaa pingaaruteqarpoq. Taamaattumik arnap nammineq piumassuseqarnissaa pissutsinillu allannguerusunnissaa katsorsaaneermik aallartitsissagaanni pingaaruteqarpoq.

Suliniutit annertusitinneranni angerlarsimaffimmi nakuuserarnerup unitsinneqarnissaa taamaalillunilu nakuuserfiusartumi meeqqat ikinnerusut peroriartornissaannut tapersiisoqarnissaa anguniagaavoq.

Qimarnguimmi pinartumik inisimmaveqartarnermi/najugaqartarnermi sullinniakkat tassaapput:

- Arnat (meeqqallu 17 tikillugit ukiullit) timikkut, tarnikkut nakuuserfigineqarsimasut, pigisatigut aamma/imaluunniit aningaasaqarnikkut, atornerlugaasimasut.

Katsorsaanissamik neqerooruteqarnermi sullinniakkat tassaapput:

- Ilaqutariit meerallit. Nakuuserfigineqarsimasoq nakuuserlorlu sullinniagaapput. Illuatungeriit katsorsarneqarnissamik soqutiginnippata ilaqutariinnut tamanut katsorsaaneq aallartinneqarsinnaavoq.

#### *Aaqqiissutissatut siunnersuut – suliatigut naliliineq*

Qimarnguimmi neqeroorutit annertusinerisigut arnat angerlarsimaffimmi nakuusertarnermit ingerlariaqqinnissaat ungasinnerusorlu eqqarsaatigalugu meeqqat ikinnerusut nakuuserfiusartumi peroriartornissaat taperserneqassasoq Meeqqanut Ilaqutariinnullu Ingerlatsivik suliatigut naliliivoq.

#### *Aningaasatigut sulisoqarnikkullu naliliinerit*

Soqanngilaq.

#### *Inatsisitigut tunngavissaq allakkallu tunngaviusumik uppersaatitallit*

- o Meeqqat Ilaqutariillu inuuniarnermikkut ajornartorsiuteqartut pillugit politikki 2020-2024

#### *Ingerlariaqqinnissaq*

17/2-2021-mi Qimarnguik "nutaaq" pisortatigoortumik ammarneqassaarpoq.

#### **Aningaasaqarnermut Allatseqarfimmit oqaaseqaatit**

Qimarnguuiup najoqqutassaa nutaaq Meeqqanut Ilaqutariinnullu Ingerlatsiviup missingersuutaasa iluanni ingerlanneqarsinnaasoq nalilerneqarpoq. Missingersuutini aningaasaliissutigineqartut iluanni qimarnguik ilaqutariinnut sisamanut arnanullu kisimiittunut arfineq pingasunut nutaatut katsorsaanissamat tunngatillugu neqerooruteqarnissaminut aningaasaateqarpoq.

#### **Innuttaasunik peqataatitsineq/attaveqaqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Piniarneqanngilaq.

#### **Siusinnerusukkat aalajangiinerit**

*Meeqqanut Ilaqutariinnullu Ataatsimiititaq 11. marsi 2020:*

Inassuteqaat akuersissutigineqarpoq.

#### **Ilanngussat**

1. Qimarnguimmut suliniummut allaaserisaq

## **Punkt 4: Aalajangiiffigisassat**

## **Punkt 04A: 2020-imi Nunaqarfinnut aningaasaliissutaasunit atorneqanngitsut**

### **Beslutning**

Inassuteqaat akuersissutigineqarpoq.

# 2020-imi Nunaqarfinnut aningaasaliissutaasunit atorneqanngitsut

Aalajangiiffigisassaq

Jnr: 01.10.21/01.10.23

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

## Suliassamik eqikkaaneq

Kommuneqarfik Sermersuumi Kommunalbestyrelsip Nunaqarfimmilu Aqutsisut akornanni politikikkut suleqatigiinnissamut isumaqatigiissut najoqqutaralugu, ukiup siuliini Nunaqarfinnut aningaasaliissutaasut atorneqanngitsut annerpaamik aningaasaliissutit tamarmiusut affai nuunneqarnissaannut Nunaqarfimmi Aqutsisunit qinnutigineqarsinnaapput.

Nunaqarfimmi Aqutsisut tamarmiusut 2020-mi aningaasaliissutinit atorneqanngitsunik nuussisoqarnissaa pillugu qinnuteqarput.

## Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassutigaa:

- ukioq kingulleq 2020-imi Nunaqarfinnut aningaasaliissutinit aningaasanik atorneqanngitsoortunik nuussinissamut Nunaqarfimmi aqutsisut qinnuteqaataat akuersissutigineqassasoq

## Suliassamik saqqummiussineq

Kommuneqarfik Sermersuumi kommunalbestyrelsip nunaqarfinnilu aqutsisut akornanni politikikkut suleqatigiinnissamut isumaqatigiissummi § 15 imm. 1 naapertorlugu ima allaqqasoqarpoq: "Nunaqarfimmi aqutsisut aningaasaliissut ukiup naatsorsuuteqarfiup naanerani atorsimangippagit, sinneruttoq (annerpaamik aningaasaliissutit tamarmi 50 %-a) ukioq tullermut naatsorsuuteqarfiussamut nuunneqarsinnaavoq." kiisalu § 15 imm. 2 ima allaqqasoqarluni "Nunaqarfimmi aqutsisut Aningaasaqarnermut Ataatsimiititaq tamassuminnga qinnuteqaateqarfigissavaat. Qinnuteqaat Borgmesterip Allatseqarfianut (Pisortaqatigiit Allatseqarfianut) nassiunneqassaaq. Qinnuteqaatip Aningaasaqarnermut Ataatsimiititamut suliassanngorlugu nassiunneqarnissaa Borgmesterip Allatseqarfiata (Pisortaqatigiit Allatseqarfiata) isumagissavaa".

## Aaqqiissutissatut siunnersuut – suliatigut naliliineq

Nunaqarfinnut aningaasaliissutit 170.250 koruuniusut ukioq 2020-mi Arsummi Nunaqarfimmi Aqutsisunut tunniunneqarput, taakkunanilu 82.319 koruunit atorneqarsimapput. Arsummi Nunaqarfimmi Aqutsisut aningaasaliissutit tamarmiusut affai atunngitsuukkatut 85.125 koruuniusut nuunneqarnissaat qinnutigaat.

Siunertaq	Aningaasat	Nunaqarfimmi aqutsisunit oqaaseqaatit	Ingerlatsivinniit oqaaseqaatit
Iliveqarfimmi ungallut qalipanneqarnissaanut	30.125 Kr.	Inuit marluk sulisuliullugit.	Sanarfinermut Avatangiisinullu Ingerlatsivik: Ingerlatsinermut immikkoortortami sulisuvut, immaqa kommunip suliffissaqartitsinermut immikkoortoqarfia

			suleqatigalugu, ungalunik qalipaasinnaapput.
Suffip tungaanut issiaartarfinnik nerrivittalinnik pingasunik pilersitserusupput.	15.000 kr.	Stark-imi piniarneqarsinnaapput .	Sanarfinermut Avatangiisinullu Ingerlatsivik: Ingerlatsinermut immikkoortortami sulisuvut bænkiorsinnaapput, tamanna kissaatigineqarpat.
Saliititsinermut assersuutigalugu naasupiluaanermut.	40.000 Kr.		Sanarfinermut Avatangiisinullu Ingerlatsivik: Kommuni naatsiivilerisua Niels Motzfeldt naasupiluaanermik ilitersuisussanngortinneqassaa q
<b>Katillugit</b>	<b>85.125 kr.</b>		

Nunaqarfinnut aningaasaliissutit 449.000 koruuniusut ukioq 2020-mi Kapisilinni aammalu Qeqertarsuatsiaani Nunaqarfinnii Aqutsisunut tunniunneqarput, taakkunanilu 222.821 koruunit atorveqarsimapput. Kapisilinni aammalu Qeqertarsuatsiaani Nunaqarfinnii Aqutsisut aningaasaliissutit tamarmiusut affai atunngitsuukkatut 224.500 koruuniusut nuunneqarnissaat qinnutigaat.

<b>Siunertaq</b>	<b>Aningaasat</b>	<b>Nunaqarfinni aqutsisunit oqaaseqaatit</b>	<b>Ingerlatsivinniit oqaaseqaatit</b>
Timersorneq	10.000 kr.	Timersoqatigiiffiit ammaaneqarnerat tunngavigalugit aningaasaliissutsit ilaneqarput	Suliffeqarfimmut Kiffartuussivik: Peqqinnermut Susassaqartitsinermullu Immikkoortortaqaarfik Sunngifimmi siunnersorit Qeqertarsuatsiaaneeqqammerput (sap ak 9), tassani timersoqatigiit peqatigiiffiannit oqaatigineqarpoq atortunik amigaateqarlutik, aamma unammiartorusullutik, taamaalilluni aningaasat timersoqatigiiffiit peqatigiiffiinut siuarsaataassammata.
Kapisilinni Ammerivik Kittat ataanni inummut ataatsimut sulisussamut aningaasarsiasat	104.500 kr.	Kapisilinni 2021-mi Ammerivimmi sulisup aappaqarnissaa pisariaqartinneqarmat.	Suliffeqarfimmi kiffartuussivik: Aaqqissuussisarnermut kulturimullu immikkoortortap Kittani aammalu Ammerivimmi suleqatigiinneq nukittorsarniarpa. Nunaqarfinni aqutsisuni tapiissutip marlunnik sulisoqarsinnaanissaq qulakkiissavaa, taamatuttaaq ineriartortitsinissamut aqqutissiuussilluni.
Immiussineq	70.000 kr.	Qeqertarsuatsiaarmiut niperujoorutaasa immiunneqarnissaat	Suliffeqarfimmut Kiffartuussivik: Kultureqarnermut Aaqqissuussanullu

		tammatsaaliuneq tunngavigalugu	Immikkoortortaqarfik: Immikkoortoqarfimmit suliniutigineqartoq tapersersorneqarpoq.
Qeqertarsuatsiaani umiatsiaaqanik qaqitsissutit taarserneqarnissaa	40.000 kr.	Qaqitsissutit aserortuarnera tunngavigalugu taarserneqartariaqarpoq	Sanarfinermut Avatangiisinullu Ingerlatsivik: Ingerlatsinermut immikkoortoqarfimmit umiatsianik qaqitsissut nutaaq akuerineqarpoq. Neqeroorummik pissarsinissaq aamma Ingerlatsinermut immikkoortortaqarfik akuersisinneqaqqaarnissaa piumasarineqarpoq. Ingerlatsinermut immikkoortortaqarfik aamma sulisuminik qaqitsissutip ikkunneqarnissaanut ikiuussinnaavoq.
<b>Katillugit</b>	<b>224.500 kr.</b>		

Nunaqarfinnut aningaasaliissutit 603.750 koruuniusut ukioq 2020-mi Isertumi, Tiilerilaami aammalu Kulusumi Nunaqarfinni Aqutsisunut tunniunneqarput, taakkunanilu 592.294 koruunit atorineqarsimapput. Isertumi, Tiilerilaami aammalu Kulusumi Nunaqarfinni Aqutsisut aningaasaliissutit atunngitsuukkat sinneruttut 11.456 koruuniusut nuunneqarnissaat qinnutigaat.

<b>Siunertaq</b>	<b>Aningaasat</b>	<b>Nunaqarfimmi aqutsisunit oqaaseqaatit</b>	<b>Ingerlatsivinniit oqaaseqaatit</b>
Peqatigiiffinnut assigisaanullu tapiissutit	11.456 kr.	Peqatigiiffinnut tapiissuteqarnissamut aningaasaliissutinut ilassutissatut.	Suliffeqarfimmut Kiffartuussivik: Peqqinnermut Susasaqartitsinermullu Immikkoortortaqarfik: Allamik oqaaseqaatissaqanngilaq, taamaallaat tamatumani peqatigiiffilerineq uummarissarneqassasoq kisiat.
<b>Katillugit</b>	<b>11.456 kr.</b>		

Nunaqarfinnut aningaasaliissutit 684.750 koruuniusut ukioq 2020-mi Kuummiini aammalu Sermiligaami Nunaqarfinni Aqutsisunut tunniunneqarput, taakkunanilu 538.004 koruunit atorineqarsimapput. Kuummiini aammalu Sermiligaami Nunaqarfinni Aqutsisut aningaasaliissutit atunngitsuukkat sinneruttut 146.746 koruuniusut nuunneqarnissaat qinnutigaat.

<b>Siunertaq</b>	<b>Aningaasat</b>	<b>Nunaqarfimmi aqutsisunit oqaaseqaatit</b>	<b>Ingerlatsivinniit oqaaseqaatit</b>
Sermiligaami iliveqarfiup ungalulersornissaa	146.746 kr.	Sermiligaap iliveqarfiata ungalulersorneqarnissaanut aningaasaliissutinut ilassutissatut.	Sanarfinermut Avatangiisinullu Ingerlatsivik: Massakkorpiaq 66 North misissorneqarpoq,

			Tunumut qaqugu tikinnissaat pillugu. (Sermiligaaq) Iliveqarfiup nutaamik ungalulernerqarsinnaanera.
<b>Katillugit</b>	<b>146.746 kr.</b>		

*Aningaasaqarnikkut sulisoqarnikkullu naliliinerit*

2020-imi 1.9 mio. koruuninik Nunaqarfinnut aningaasaliisoqarpoq.

*Inatsisitigut tunngavissaq allakkallu tunngaviusumik uppersaatitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsip aamma Nunaqarfinni Aqutsisut politikikkut suleqatigiinnissamik isumaqatigiissutaataa

*Ingerlariaqqinnissaq*

Aningaasaqarnermut Inuussutissarsiornermullu Ataatsimiititap aalajangernera pillugu Nunaqarfinni aqutsisut tamarmiusut nalunaarfigineqarumaarput.

**Aningaasaqarnermut Allatseqarfimmit oqaaseqaatit**

Nunaqarfinnut aningaasaliissutit atorneqanngitsut annerpaamik aningaasaliissutip tamarmiusup 50 %-a 2020-miit 2021-mut nuunneqarnissaat Aningaasaqarnermut allatseqarfimmit innersuussutigineqarput.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allanit oqaaseqaatit**

Soqanngilaq.

**Ilanngussat**

Soqanngilaq.

**Punkt 04B: Restaurant Nasiffik, Nuussuaq imigassamik  
aalakoornartortalimmik sassaallersinnaanermut akuersissummut type B-  
mik qinnuteqaat**

**Beslutning**

Inassuteqaat akuerissutigineqarpoq.

## **Restaurant Nasiffik, Nuussuaq imigassamik aalakoornartortalimmik sassaallersinnaanermut akuersissummut type B-mik qinnuteqaat**

Aalajangiiffigisassaq

J.nr.: 70.06.00

Suliffeqarfimmut Kiffartuussivik - Kommunaldirektøriugallartoq Marie Fleischer / MAFL

### **Suliassamik eqikkaaneq**

Suliffeqarfimmut Kiffartuussivimmit Restaurant Nasiffik, Iggiaanut B-28, 3905 Nuussuaq Michael Stig Lindhardt, imigassamik kimikitsumik kimittuumillu aalakoornartortalimmik Sassaallersinnaanermut akuersissummik qinnuteqaat type B-mut tiguneqarpoq, akuersissutip kingulliup ulloq 17. marsi 2020 atorunnaarnerata kingorna.

Inatsisartut inatsisaat nr. 35, 23. novembari 2017-imeersoq § 12. Imm. 2 naapertorlugu *“akuersissutip atuuffia naappat nutarterneqarnissaanillu qinnuteqaat kommunalbestyrelsimut tunniunneqarsimangippat.”* imigassaq pillugu akuersissutip atorunnaasineqassaaq arsaarinnissutiineqarsinnaavorluunniit.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Restaurant Nasiffik, Iggiaanut B-28, 3905 Nuussuaq imigassamik aalakoornartortalinnik sassaallersinnaanermut akuersissut type B pillugu qinnuteqaat akuersissutigineqassasoq

### **Suliassamik saqqummiussineq**

Suliffeqarfimmut Kiffartuussivimmit Restaurant Nasiffik imigassamik aalakoornartortalimmik type B-mik sassaallersinnaanermut akuersissummik qinnuteqaat tiguneqarpoq.

Tamatuma saniatigut Kalaallit Politiit, Qatserisartoqarnermut Oqartussaasut kiisalu Meeqqanut Ilaqutariinullu Ingerlatsivik oqaaseqaatissaqanngillat. Kalaallit Nunaanni politiit oqaaseqaateqarput, nalilerneqarlunili Restaurant Nasiffiup Imigassallersinnaanermut akuersissummik qinnuteqaataanut sunniuteqaataassanngitsoq.

Suliffeqarfimmut Kiffartuussiviup Pub Nuanilu perusuersartarfeqarnermik ataatsimoorussinermut tunngatillugu nalornissuteqarnermi inatsisitigut qulakkeerinnikkusulluni Peqqissutsimut Naalakkersuisoqarfik attaveqarfigaa. Tassani inerniliunneqarpoq, ataatsimoorussineq akornutissartaqanngitsoq.

Kommuneqarfik Sermersuumi Kommunalbestyrelse tunngaviumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassamik kimittuumik tuniniaasussaasariaqanngillat. Taamaattorli sassaallertartut imigassamik kimikitsunik sassaallertarnissaat Kommunalbestyrelsimit aalajangerneqarsinnaavoq.

Suliali ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip

politikkini malillugu assigiissaarinissamat toqqammaviusoq tulliuuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusioneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigiineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

#### *Aaqqiissutissatut siunnersuut – suliatigut naliliineq*

Imigassamik sassaakkersinnaanermut akuersissummut paasissutissat tamarmik Suliffeqarfimmut Kiffartuussivimmit pissarsiarineqareerput. Suliffeqarfimmut Kiffartuussivimmit imigassanik aalakoornartortalimmik sassaallersinnaanermut Restaurant Nasiffiup akuersissummik tunineqarnissaanut piunasaqaatinik naammassinnittutut nalilerneqarpoq.

#### *Aningaasatigut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu annertuumik kinguneqarnaviangilaq.

#### *Inatsisitigut tunngavissaq allakkallu tunngaviusumik uppersaataitallit*

- o Inatsisartut Inatsisaat nr. 35, 23. november 2017-imeersoq aamma Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaata allanngortinneqarneranik Inatsisartut inatsisissaat nr. 3, 31. maj 2001-imeersoq.
- o Inuit imigassanik aalakoornartulinnik nioqquteqartarfiit sassaallertarfiillu aaqqiissuunneqarneri atornerarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq

#### *Ingerlariaqqinnissaq*

Soqanngilaq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimangilaq.

#### **Innuttaasunik peqataatitsineq/Attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Ilanngussat**

Soqanngilaq.

## **Punkt 04C: Paamiut Katersugaasiviannut malittarisassat allannguutaat**

### **Beslutning**

Inassuteqaat akuersissutigineqarpoq.

### **Bilag**

Malittarisassatut siunnersuutit akuersissutigineqartussat

Paamiut Katersugaasiviannut malittarisassat maannakkut atuuttut

## **Paamiut Katersugaasiviannut malittarisassat allannguutaat**

Aalajangiiffigisassaq

J.nr.: EMN-2021-08990

Suliffeqarfimmut Kiffartuussivik – Kommunaldirektøriugallartoq Marie Fleischer / MAFL

### **Suliassamik eqikkaaneq**

Katersugaasiveqarneq pillugu Inatsisartut inatsisaat nr. 8, 3. juni 2015-meersoq naapertorlugu katersugaasiviit akuerisaasut malittarisassa, katersugaasiviup siulersuisuinit akuerineqartussaapput.

2009-mi kommunit kattussuummatali, kingusinnerusukkullu 2015-imi katersugaasiviit pillugit inatsit nutaaq atuutilermat, Paamiut Katersugaasiviannut malittarisassat naleqqussarneqarnissaat pisariaqartinneqarsimavoq. Novembari 2020-mi malittarisassat naleqqussarneqarsimasut Paamiut Katersugaasivianni siulersuisut tamarmiullutik akuersissutigaat.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatiga:

- Paamiut Katersugaasiviata malittarisassai akuersissutigissagai

### **Suliassamik saqqummiussineq**

Paamiut Katersugaasiviat 1982-imi akuerisatut katersugaasiviulerpoq, aammalu katersugaasiveqarneq pillugu inatsimmi akuerisatut katersugaasivinnut piumasaqaataasut ilagivaat, katersugaasivinnut malittarisassaarnissaa katersugaasiviup siulersuisuinit Kommunalborgbestyrelsimiillu akuersissutigineqartunik.

2009-mi kommunit kattussuummatali, kingusinnerusukkullu 2015-imi katersugaasiviit pillugit inatsit nutaaq atuutilermat, Paamiut Katersugaasiviannut malittarisassat naleqqussarneqarnissaat pisariaqartinneqarsimavoq. Tamanna ajorluartumik kinguarsarneqarsimavoq, siulersuisut ukiuni arlaqartuni ataatsimiittarsimanginneri pissutigalugu.

Novembarip ulluisa 23-anni 2020 siulersuisut pilerseqqinneqarput, malittarisassallu naleqqussarneqarsimasut siulersuisunit tamarmiusunit akuersissutigineqarput. Malittarisassat katersugaasiveqarneq pillugu inatsimmut atuuttumut Katersugaasiveqarnermullu Ataatsimiititaliap malittarisassaannut naleqqussarneqarsimapput aammalu Paamiut Kommuniata Kommuneqarfik Sermersuumut ilanngussimaneranut naleqqussarneqarsimallutik.

## Allannguutit takussutissartaat

	<b>Allannguut</b>	<b>Tunngavilersuut</b>
§1 <i>Ateq siunertarl</i>	Katersugaasiveqarneq pillugu inatsimmut 2015-meersumut naleqqussagaq	Katersugaasiviup siunertaa "sukat" tallimaajunnaarlugit arfinilinngortinneqarput
§2 <i>Ingerlatsiviusut</i>	Allannguuteqanngilaq	
§3 <i>Illut</i>	B-54 aamma B-68 ilanngunneqarput	Illut eriaginatut. Katersugaasiviup taakkua nakkutiguarpai.
§4 <i>Katersugaasiviup siulersuisui</i>	Ilaasortat tallimaajunnaarlutik pingasunngorput Ilaasortaq ataaseq Kommunalbestyrelsimit toqqarneqarpoq	Pisariillisaaneq. Maannakkut illoqarfimmi pissutsinut naleqqussarneqarpoq.
§5 <i>Katersugaasivimmi pisortaq</i>	Katersugaasivimmi pisortap akisussaaffinik erseqqissaatit	Malittarisassani pisoqqani erseqqivinngillat
§ 6 <i>Aningaasaqarneq</i>	Massakkorpiaq soqanngilaq, nutarterput	
§7 <i>Malittarisassat</i>	Soqanngilaq	
§8 <i>Atorunnaarsitsineq</i>	Kommunalbestyrelsiunngitsoq, kisianni Nunatta Katersugaasiviata Allagaateqarfiatalu katersugaasivik atorunnaarpat katersugaatai qanoq pineqassanersut aalajangissavai.	Katersugaasiveqarneq pillugu inatsimmi 2015-meersumi piumasaqaataavoq, kap 3, §19
§9 <i>Atuutilersitsineq</i>	Soqanngilaq	

### *Aningaasatigut sulisoqarnikkullu naliliinerit*

Katersugaasivimmi siulersuisunut ilaasortat akissarsiaqaratik sulisarput. Suliaq aningaasaqarnikkut sunnuteqassanngilaq.

### *Inatsisitigut tunngavissaq allakkallu tunngaviusumik uppermarsaatitallit*

- Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

### *Ingerlariaqqinnissaq*

Inassuteqaatigineqartoq akuersissutigineqassappat, Aningaasaqarnermut Inuussutissarsionermullu Ataatsimiititap kommunimut qinersisoqareerpat siulersuisunut aningaasaateqarfinnullu ilaasortanik qinersinermut atatillugu siulersuisunut ilaasortassamik Kommunalbestyrelsimut inassuteqaateqassaaq .

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

### **Innuttaasunik peqataatitsineq/attaveqaatigiinneq**

Pingaaruteqanngilaq.

### **Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

## **Ilangussat**

1. Malittarisassatut siunnersuutit akuersissutigineqartussat
2. Paamiut Katersugaasiviannut malittarisassat maannakkut atuuttut

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Nuummi qimminik aneerussisarfik**

### **Beslutning**

Ilisimatitsissut tusaatissatut tiguneqarpoq.

### **Bilag**

Inissisimaffissaatut siunnersuut pillugu nunap assinga

## Nuummi qimminik aneerussisarfik

Ilisimatitsissut

J.nr.: ANL-2021-00004

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### Suliassamik eqikkaaneq

Ingerlatsivik ukiuni kingullerni qimminik aneerussisarfimmik ataatsimik arlalinnilluunniit pilersitsinissamut kissaateqartunik arlalinnik saaffigineqartarpoq. Ingerlatsivimmit immikkoortup ilaani 4D5-imi nunaminertamik qimminik aneerussisarfiusinnaasumik ungalulimmik, immikkoortumi qimmiutilippassuit qimmit pinnguaqatiginissaanut sapaatip-akunneranut ataasiarlutik naapittarfiata eqqaani, atugassiisoqarnissaa siunnersuutigineqarpoq. Qimminik aneerussisarfik arlalitsigut ajunngitsortaqrarpoq, pingaartumik ungalusami qimmit killeqanngitsumik pangalissinnaassapput taamalu qimminik ersigisaqartunut akornutaanatik.

Suliaq Sanarfinermut Avatangiisinullu Ataatsimiititap marsip arfineq-pingajuanni 2021-mi ataatsimiinnerani oqaluserineqarpoq, ataatsimiititalu suliaq tusarniaassutigisassanngorlugu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Ingerlatsivik ukiuni kingullerni qimminik aneerussisarfimmik ataatsimik arlalinnilluunniit pilersitsinissamut kissaateqartunik arlalinnik saaffigineqartarpoq. Ullumikkut Nuummiinnaq uumasut 790-it, taakkunanngalu amerlanerussuteqarlutik qimmit, nalunaarsorsimapput. Qimmit, Danmarkimit aammali sinerissami allanit eqqunneqartartut, amerligaluttuinnarput (Donnas Dyreklinikimi Qimminik nakkutilliisumit paasissutissat pissarsiarineqarput). Matumani qimminik aneerussisarfik pineqartoq tassaavoq nunaminertaq ungalusaq minnerusoq annerusorluunniit qimmit pituutaqaratik killeqanngitsumik pangaliffigisinnaasaat. Kommunimi Qimmit qitsuillu pillugit ileqqoreqqusami §17, imm. 2-mi allassimavoq ”*Qimmit tamarmik illoqarfiup iluani najugaqarfinnilu pituutaqartinneqassapput.*” Taamaattumik qimminik aneerussisarfik paragrafimi matumani pineqartumi atuutsinneqassanngilaq.

### Aaqqiissutissatut siunnersuut – suliatigut naliliineq

Ingerlatsivimmit immikkoortup ilaani 4D5-imi nunaminertamik qimminik aneerussisarfiusinnaasumik ungalulimmik, immikkoortumi qimmiutilippassuit qimmit pinnguaqatiginissaanut sapaatip-akunneranut ataasiarlutik naapittarfiata eqqaani, atugassiisoqarnissaa siunnersuutigineqarpoq – ilanngussaq 1 takuuk.

Qimminik aneerussisarfik arlalitsigut ajunngitsortaqrarpoq, pingaartumik ungalusami qimmit killeqanngitsumik pangalissinnaassapput taamalu qimminik ersigisaqartunut akornutaanatik.

Ingerlatsivimmit qimminik aneerussisarfimmik pilersitsinermut atatillugu, Donnas Dyreklinik suleqatigalugu, atorineqartarnissaanut najoqqutassiortoqarnissaa siunnersuutigineqarpoq.

*Aningaasatigut sulisoqarnikkullu naliliinerit*

Ungalunik, issiavinnullu takisuunut kiisalu eqqakkat imaartarnissaanut pilersitsinermut aserfallatsaaliuinemullu aningaasartuuteqartoqassaaq. Ingerlatsivimmit missingersuutinit pioreersunit akilerneqartarnissai siunnersuutigineqarpoq.

*Inatsisitigut tunngavissaq allakkallu tunngaviusumik uppersaatitalit*

- Kommuneqarfik Sermersuumi qimmit qitsuillu pillugit ileqqoreqqusaq
- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq
- Inatsisartut inatsisaat nr. 23, 22. november 2011-meersoq & Inatsisartut inatsisaat nr. 24, uu. 28 november 2016-meersoq (inatsisartut inatsisaannut allannguutit)
- Pilersaarusionsorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

*Ingerlariaqqinnissaq*

Soqanngilaq.

**Aningaasaqarnermut Allatseqarfimmit oqaaseqaatit**

Pisiariaqanngilaq.

**Innuttaasunik peqataatitsineq/attaveqaqatigiinneq**

Ingerlatsivimmit inississimavissaanut siunnersuut kommunip innuttaasunik peqataatitsinermut tunngatillugu nittartagaani, Kommuneqarfiga, tamanut tusarniaassutigineqassasoq siunnersuutigineqarpoq, matumanilu allanut imaluunniit ilassutissatut inissinneqarnissaanut siunnersuutitut ammaassisoqarluni.

**Ingerlatsivinnit allaniit oqaaseqaatigineqartut**

Piniarneqanngilaq.

**Siusinnerusukkut aalajangernerit**

*Sanarfinermut Avatangiisinullu Ataatsimiititap marsip arfineq-pingajuanni 2021-mi aalajangernerit:*  
Inassuteqaat akuersissutigineqarpoq.

**Ilanngussat**

1. Inissisimaffissaatut siunnersuut pillugu nunap assinga

## **Punkt 05B: Meeraaqqerivik Amaagajaaq, Tasiilaq, nakkutilliiffiartorlugu pulaarneqarneranit ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Pulaarnermi nalunaarussiaq

## **Meeraaqqerivik Amaagajaaq, Tasiilaq, nakkutilliiffigiartorlugu pulaarneqarneranit ilisimatitsissut**

Ilisimatitsissut

Sags ID.:EMN-2021-00063

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Meeqqanut Atuarfeqarnermullu Ingerlatsivik novembarimi 2020-mi Tasiilami meeraaqqerivimmi Amaagajaami nakkutilliartorluni pulaarpoq.

Nakkutilliilluni pulaarnerup Inatsisartut inatsisaanni inatsisinilu allani ersersinneqartunik, perorsaanermi periutsit pillugit piumasarineqartunik malinnittoqarnissaanik, Kommunalbestyrelsip ulluuneranilu paaqqinnittarfiup nammineq anguniagaannik tunngaviinillu qulakkeerinninnissaq, kiisalu ingerlatsiviup meeraaqqeriviullu akornanni ataavartumik attaveqatigiittarnissap attanneqarnissaa.

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersumi § 2 aamma § 16 naapertorlugit nakkutilliartorneq tunngaveqarpoq.

Suliaq Meeqqanut Atuarfeqarnermullu Ataatsimiititami 10. marsi 2021-imi oqaluuserineqarpoq, ataatsimiititap ilisimatitsissut tusaatissatut tiguuaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatitut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Kommunalbestyrelse pisortatigoortumik aamma persuarsioranngitsumik kommunip paaqqinnittarfiini tamani aamma namminersortunit pigineqartuni nakkutilliisussaavoq. Meeqqanut Atuarfeqarnermullu Ingerlatsiviup novembarimi 2020-mi Tasiilami meeraaqqerivik Amaagajaaq nakkutilliilluni pulaarpaa.

Meeraaqqerivik Amaagajaaq 2019-imi decembarimi pilersinneqarpoq meeqqanullu 24-nut inissaqartitsilluni. Aqutsisua aamma Dr. Ingridip meeqqeriviani aqutsisuuvoq.

Nakkutilliilluni pulaarnermi meeraaqqeriviup perorsaaneq aqutsinermullu kiisalu isumannaatsuutitsinermut peqqissutsimullu tunngasuni inatsimmik malinnittoq paasineqarpoq. Meeraaqqerivik 2019-ip naalernerani pilersinneqartoq, taamaattorli aqutsisunit sulisunillu perorsaanermut pilersaarut suliarisimanngilaat meeraaqqerivimmilu sulisunut perorsaataasumik timersorneq pillugu pikkorissaasoqarsimanngilaq, soorlu aamma atuisunik katersuutsitsilluni eqimattaliorneq aallartinneqarsimanani. Aqutsisunit sulisunillu meeqqanut meeraaqqeriviup toqqissisimanartuutinneqarnissaanik pilersitsinissaq salliunneqarsimavoq.

Aqutsisoq peqquneqarpoq piaartumik ukiumut pilersaarutip suliarineqarnissaa pillugu, taamaalilluni taanna angajoqqaanit sulisunillu pissarsiarineqarsinnaasunngorlugu.

### *Aaqqiissutissatut siunnersuut – suliatigut naliliineq*

Meeraaqqerivik Amaagajaaq perorsaaneq aqutsinerlu pillugit inatsimmik malinnippoq.

Perorsaanermik tunngavilimmik pilersaaruteqarnissap pingaassusaa fagchefip aqutsisunut uparuaatigereerpaa, pilersaarummi naleqartitat anguniakkallu tunngaviusut allaqqassapput, tamanullu pilersaarut takoriaannaassalluni. Maannarpiaq pilersaarutip perorsaanermik tunngavillip suliarineqarnera perorsaanermik siunnersorti, Tasilaami akisussaaffeqarfilik, peqatigalugu ingerlavoq.

Aqutsisut nakkutilliarthoqqinnginnerminni, 2021 ukiami pisussami, ukuninnga naammassinninnissaannik peqquneqarput:

1. Sulisut tamarmik atuuffiisa nassuiaataat allaaserineqassapput.
2. Perorsaanermi periutsit sulisut tamarmik ilisimassavaat. Aqutsisup periutsit sammikulasassavai, sulisut tamarmik ilisimannilerniassammata.
3. Sulisuniit pikkorissarnissamut kissaatit pikkorissarnermut ataatsimiititamat nassiunneqassapput.
4. Aqutsisup ikuallattoorsinnaanermut misissuineramik pinnguarterfinnillu nakkutilliinermik ingerlatsisoqarnissaa isumagissavaa.
5. Nappaatinut tuniluuttunut tunngasunut malitassat tamanut takuneqarsinnaanngorlugit nivinngarneqassapput.
6. Nakorsaaneqarfimmiit eqqiluisaarnermut malittarisassat nivinngassapput.
7. Kommunip nerisaqarnermut politikkia najoqqutassat atorneqassaaq.
8. Ukioq affakkaarlugit angajoqqaat oqaloqatigineqartassapput.

### *Aningaasatigut sulisoqarnikkullu naliliinerit*

Aningaasatigut naliliisoqanngilaq.

### *Inatsisitigut tunngavissaq allakkallu tunngaviusumik uppernarsaatitallit*

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.
- Meeqqerivinni kommuninit namminersortunillu pigineqartunit ingerlatsinissamut kommunimik isumaqatigiissuteqartunik kommunalbestyrelsip nalinginnaasumik perorsaanikkullu nakkutilliinera pillugu Namminersorlutik Oqartussat nalunaarutaat nr. 35, 24. september 2020-meersoq.

### *Ingerlariaqqinnissaq*

Ingerlatsivimmit tulliani nakkutilliarthorluni pulaarnissaq eqqartorlugu aallartinneqarpoq, Kommunalbestyrelsip kommunimi paaqqinnittarfiit aamma paaqqinnittarfiit namminersortunit pigineqartut ingerlatsinermut isumaqatigiissuteqarfigineqartut nalinginnaasumik aamma perorsaanikkut nakkutigineqarnissaat pillugu nalunaarusiaq nutaaq malillugu taanna piniassamat. Tamanna naammasseriarpasullissaanik persuarsiortuunngitsumik aamma pisortatigoortumik kommunimi paaqqinnittarfiit tamarmik nakkutilliiffiartornissaat ullulerneqassaaq.

Ingerlatsivimmit meeraaqqerivimmit naammassineqanngitsut tulliani nakkutilliarthoqqinnginnermi malitseqartinneqassapput.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

### **Innuttaasunik peqataatitsineq/attaveqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq.

**Siusinnerusukkut aalajangiinerit:**

*Meeqqanut Atuarfeqarnermullu Ataatsimiititap 10. marsi 2021-mi aalajangiinera:*

Inassuteqaat akuersissutigineqarpoq.

**Ilangussat**

1. Pulaarnermi nalunaarussiaq

## **Punkt 05C: Siunnersuut Kommunit pilersaarummut tapiliusaq L7-1 Icefiord Lodge Nuuk, Kapisillit**

### **Beslutning**

Inassuteqaat akuersissutigineqarpoq.

### **Bilag**

Siunnersuut kommunimut pilersaarummut tapiliusaq L7-1 Icefiord Lodge Nuuk, Kapisillit

# Siunnersuut Kommunitum pilersaarummut tapiliusseq L7-1 Icefiord Lodge Nuuk, Kapisillit

Aalajangiiffigisassaq

J.nr.: ANL-2021-00003

Sanarfinermut Avangiisinullu Ingerlatsivik – Pisortaq Hans Henrik Winther Johannsen / HHWJ

## Suliassamik eqikkaaneq

Kommunitum pilersaarummut tapiliusseq L7-1 naapertorlugu sanaartugassatut siunnersuut *Icefiord Lodge Nuuk, Kapisillit*, kommunalbestyrelsimit ulloq 24, novembari 2020-mi akuersissutigineqartoq periarfissaalerpoq.

Pilersaarut atorlugu immikkoortup ilaa nutaaq L7 ilanngunneqassaaq, tassanilu takornarianut illuaqqat 50-it tungaannut amerlassusillit taakkunungalugu attuumassuteqartut atortorissaarutit, matumani neriniartarfik illullu ingerlatsinermut tunngasut ilanngullugit sanaartorneqarsinnaallutik. Puttasut aamma immikkoortup sanaartorfiusussap akornnganni assakaasulinnut aqqusiortoqarsinnaavoq.

Suliaq Sanarfinermut Avangiisinullu Ataatsimiititami ulloq 08.03.2021-mi ataatsimiinnerani oqaluuserineqarpoq, ataatsimiititallu tamanut tusarniaassutigineqarnissaanik inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

## Inassuteqaat

Sanarfinermut Avangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- Kommunitum pilersaarummut tapiliusseq L7-1 Icefiord Lodge Nuuk, tamanut tusarniaassutigineqarnissaa eqqarsaatigalugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

## Suliassamik saqqummiussineq

Kommunitum pilersaarummut tapiliusseq L7-1 naapertorlugu sanaartugassatut siunnersuut *Icefiord Lodge Nuuk, Kapisillit*, kommunalbestyrelsimit ulloq 24, novembari 2020-mi akuersissutigineqartoq periarfissaalerpoq.

Pilersaarut atorlugu immikkoortumut pilersaarut nutaaq L7 ilanngunneqassaaq, tassanilu takornarianut illuaqqat 50-it tungaannut amerlassusillit taakkunungalugu attuumassuteqartut atortorissaarutit, matumani neriniartarfik illullu ingerlatsinermut tunngasut ilanngullugit sanaartorneqarsinnaallutik. Immikkoortup ilaa nunaqarfiup Kapisillit, nunaatileqarfiup Neriunap, kiisalu illuaraqarfiit K26 aamma K27 Kapisilinnut attuumassuteqartut eqqaanniippoq. Illuaqqat qisunnik aqqusineeqqanillu aqqusinilersorneqarsinnaapput pilersuinerlu ilanngunneqarsinnaalluni.

Sanaartugassatut siunnersuutaasoq nukissiuuteqarnikkut imminut pilersortuussaaq.

Sanaartornermut atatillugu puttasuliortoqarsinnaavoq, taannalu tamanit atorneqarsinnaasuussaaq. Aserfallatsaaliuinermit atatillugu nunaminertamik piginnittussaataitaasoq pisussaaffeqartinneqassaaq.

## Aaqqiissutissatut siunnersuut – suliatigut naliliineq

Siunnersuut Kapisillit nunaqarfittut minguitsuusutut piujuartitsisutullu kommunalbestyrelsip takorluugaanut attuumassuteqarpoq.

Nunaminertamik atuinissamut akuersissut pitinnagu immikkoortumi itsarnitsanit eriaqisat itsarnisarsiuunit misissuisoqassaaq.

### *Aningaasatigut sulisoqarnikkullu naliliinerit*

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik iniminniineq tunngavigalugu kommunimut pilersaarummut tapiliussa q suliarineqarpoq.

### *Inatsisitigut tunngavissaq allakkallu tunngaviumik uppersaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl) // [www.kp.sermersooq.gl](http://www.kp.sermersooq.gl)

### *Ingerlariaqqinnissaq*

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, kingornalu politikikkut oqaluuserineqaaqqissalluni.

Pilersaarummut tapiliussa q kommunalbestyrelsimit inaarutaasumik akuersissutigineqassappat, nunaminertamik atuinissa q sanaartornissamullu akuersissut tunniunneqassapput. Tamatuma kingorna sanaartorneq aallartinneqarsinnaavoq.

### **Aningaasaqarnermut Allatseqarfimmit oqaaseqaatit**

Oqaaseqaateqanngillat.

### **Innuttaasunik peqataatitsineq/attaveqaatigiinneq**

Kommunimut pilersaarummut tapiliussassatut siunnersuut sapaatit-akunnerini arfineq-pingasuni tamanut tusarniaassutigineqassaaq, tamannalu Kapisilinni, Nuuk Ugeavisimi aamma kommunip nittartagaani nalunaarutigineqassaaq.

Piffissami pineqartumi tusarniaassummut akissutinik nassiussisoqarsinnaavoq.

### **Ingerlatsivinnit allaniit oqaaseqaatigineqartut**

Oqaaseqaateqanngillat.

### **Siusinnerusukkut aalajangernerit:**

*Sanarfinermut Avatangiisinullu Ataatsimiititaq 08.03.2021:*

Inassuteqaat akuersissutigineqarpoq.

### **Ilanngussaq**

1. Siunnersuut kommunimut pilersaarummut tapiliussa q L7-1 Icefiord Lodge Nuuk, Kapisillit

## **Punkt 05D: Kommunitut pilersaarummut tapiliussap 1C14-4, Nuutoqaq, Nuuk inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq, ima allannguutitalerlugu suliap Kommunalbestyrelsimut ingerlateqqinneqannginnerani immikkuualuttoq B inuussutissarsiorfiusinnaasutut aamma atorneqarsinnaanera periarfissinneqassasoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussap 1C14-4, Nuutoqaq, Nuuk

Suliniutit tiguneqartut.

# **Kommunimut pilersaarummut tapiliussap 1C14-4, Nuutoqaq, Nuuk inaarutaasumik akuersissutigineqarnera**

Aalajangiiffigisassaq

J.nr.: ANL-2020-00014

Sanarfinermut Avatangiisinullu ingerlatsivik – Pisortaq Hans Henrik Winther Johannsen /HHWJ

## **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq. Kommunimut pilersaarusiornermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut siunertalinnut.

Maannakkut pilersaarut malillugu immikkuualuttut sisamat atugassanngortinneqarput. Immikkoortup ilaani 1C14-mi alliliinissamat periarfissat assigiinngitsut sanaartorfissallu tulliuuttuni sukumiisumik nassuiaatigineqartut atugassanngortinneqarput. Hans Egedep Aqquerna B-75-imiit biilinit angallattunut matuneqassasoq, suliassaqtulli angallassinissaat periarfissiissutigalugu.

Piffissami tusarniaaffiusumi tusarniaanermut akissuteqaatit arfineq-marluk tiguneqarsimapput, oqaasertaasigut annikitsunik allannguutitaqartut, tamatumalu kingunerisaanik immikkoortup ilaata kujasinneraani aaqqiissutissanik tunngaviatigut assigiinngitsunik ingerlatsivik saqqummiussaqqarpoq.

Piffissap tusarniaaffiusup ingerlanerani Sanarfinermut Avatangiisinullu Ingerlatsivik ilisimatinneqarpoq soqutigisallit sumiiffimmi sanaartorfissaq C6-ip inissisimaffiani suliniutissatut qinnuteqaammik nassiussinialersaartoq.

Suliaq Sanarfinermut Avatangiisinullu Ataatsimiititap marsip arfineq-pingajuanni 2021-mi ataatsimiinnerani oqaluuserineqarpoq, ataatsimiititallu inassuteqaat siulleq akuersissutigaa, Kommunimut pilersaarummut tapiliussap 1C14-4 sanaartorfissaq ilanngunnagu. Sanarfinermut Avatangiisinullu Ataatsimiititap aamma inassuteqaatip aappaa akuersissutigaa suliarluk Aningaasaqarnermut Inuusutissarsiornermullu Ataatsimiititamut aalajangiiffigisassanngorlugu, kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussap 1C14-4 Nuutoqaq (sanaartorfissaq C6 ilanngunnagu) akuersissutigineqassasoq
- suliaq inaarutaasumik akuerisassanngorlugu Kommunalbestyrelsimut ingerlateqqinneqassasoq

## **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq.

Kommunimut pilersaarusiornermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut siunertalinnut. Taamaasilluni sinaakkusiinnaavoq kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut. Maannakkut pilersaarut malillugu immikkuualuttut sisamat atugassanngortinneqarput:

**Immikkuualuttoq A** inissianut, suliffeqarfinnut, inuussutissarsiortunut kiisalu sinniisuuffinnut siunertalinnut atugassatut.

**Immikkuualuttoq B** qitiutillugit inissianut sinniisuuffinnut siunertalinnut atugassatut.

**Immikkuualuttoq C** pingaarnertut katersugaasivimmut, sannavinnut, inuussutissarsiortunut, neriniartarfinnut kiisalu isiginnaariartarfinnut siunertalinnut atugassanngortinneqarpoq.

**Immikkuualuttoq D** sumiiffik sukisaarsarfittut pinnguarfinnut, sammisassaqaqtitsinernut siunertanut eqqissisimaartarfittullu. Immikkuualuttoq biinikt angallannernut asserneqassaaq. Tamakku saniatigut sapsusiap immerneqarsinnaanera pilersaarummi periarfissiissutigineqarpoq. Immikkoortup ilaani 1C14-mi alliliinissamut periarfissat assigiinngitsut sanaartorfissallu tulliuttuni sukumiisumik nassuiaatigineqartut atugassanngortinneqarput:

**A1** – B-56-ip avannaa tungaata isaternissaanut pilerseqqinnissaanullu periarfissaq.

**A2** – B-1962-ip allilernissaanut periarfissaq.

**B1** – B-510-ip illuanik iluarsartuineq sanaqqiinerlu.

**C1, C2, C3, C4** – Nunatta Katersugaasiviata Allagaateqarfialalu allilerneqarnissaanut periarfissaq.

**C5** – Kulturilerisunut, isiginnaartartunut imaluunniit takornarianut atugassamik illu minneq, matumani sannavik imaluunniit eqqumiitsuliortut sanaavinik pisiniarfik aamma takornarialerisut allaffiat. Ulluinnarni inuussutissanik, kioskinik assigisaanilluunniit ingerlatsisoqarsinnaanngilaq.

**C6** – Sanaartorfiit anginerit kulturimut innuttaasunullu siunertalinnut.

**C7** – Illup allilerneqarnissaanut periarfissaq, matumani pilersaaruttip akuersissutigineqarnerani B-normulerneqanngilaq.

Matumani pilersaarummi immikkoortup kujaterpiaani Hans Egedesvejip naanerani aqqusineq allanngortinneqarpoq. Hans Egedep Aqquserna B-75-imiit biilinet angallattunut matuneqassasoq, suliassaqaqtulli angallassinissaat periarfissiissutigalugu. B-234, B-283, B-2369 aamma B-45 eqqaanni aqqusineq biilertunit aqutigineqarsinnaassanngilaq, nunaminertamik atuisinnaasunillu, B-normut taaneqartut, taamaallaat atorneqarsinnaassaaq. Nunaminertamik atuinissamik piginnittut illoqannginnersami utaqqiisaasumik nunaminertamik atuinissamik qinnuteqaateqarsinnaapput, silami sassaallersinnaanermut periarfissalimmik, piffissami killilikkami aqqissuussiffiusinnaasumik, niuffatsinissamut assigisaannullu atugassamik.

#### *Aaqqiissutissatut siunnersuut – suliatigut naliliineq*

Ingerlatsiviup immikkoortup ilaa 1C14, qitiusumik siunertamut (C), sumiiffimmi ataatsimut siunertanut atugassanngortinneqartoq, suli eriaginartutut nalunaarsorsimassasoq nalilerpaa. Taamaalilluni kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut najoqqutassiisnaavoq.

Immikkoortup ilaata illuliat illoqarfiullu oqaluttuassartaata ilisarnaataa attatiinnassavaa nukittorsarlugulu, illutoqqat qaliai illugiimmik sivinganillit silataanilu iigai qalipannillit.

Ingerlatsivimmit immikkoortup ilaani nutaamik angallannermut aqqissuussinerup kingunerisaanik biilinet angallanneq annikillisarnerneqartoq malugeqquneqarpoq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqarsimanngilaq.

#### *Inatsisitigut tunngavissaq allakkallu tunngaviusumik uppernarsaatitalit*

- Pilersaarusioner aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. decembari 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Maanna atuuppoq kommunimut pilersaarummut tapiliussaq 1C14-4 kommunimut pilersaarut 1C14-3 atorunnaarsinneqarpoq.

## **Aningaasaqarnermut Allatseqarfimmit oqaaseqaatit**

Pingaaruteqaanngilaq.

## **Innuttaasunik peqataatitsineq/attaveqaatigiinneq**

Siunnersuut sapaatit-akunnerini arfinilinni piffissami decembarip qulingiluaanniit 2020 – januaarip ulluisa 20-ata 2021-p tungaanut tamanut tusarnaassutigineqarpoq.

Piffissami tusarniaaffiusumi tusarniaanermut akissuteqaatit arfineq-marluk tiguneqarsimapput, oqaasertaasigut annikitsunik allannguutitaqartut, tamatumalu kingunerisaanik immikkoortup ilaata kujasinnersaani aaqqiissutissanik tunngaviatigut assigiinngitsunik ingerlatsivik saqqummiussaqaarpoq.

## **Ingerlatsivinnit allaniit oqaaseqaatigineqartut**

Soqaanngilaq.

## **Tidligere beslutninger**

*Sanarfinermut Avatangiisinullu Ataatsimiititaq 26.10.2020:*

Inassuteqaat akuersissutigineqarpoq.

*Aningaasaqarnermut Inuusutissarsiornermullu Ataatsimiititaq 12.11.2020:*

Inassuteqaat akuersissutigineqarpoq.

*Kommunalbestyrelsi 24.11.2020:*

Ilisimatitsussut tusaatissatut tiguneqarpoq.

*Sanarfinermut Avatangiisinullu Ataatsimiititaq 08.03.2021:*

Inassuteqaat 1: Kommunimut pilersaarummut tapiliusaaq 1C14-4, sanaartorfissaaq C6 ilanngunnagu ataatsimiititamit akuersissutigineqarpoq.

Inassuteqaat 2: Inassuteqaat akuersissutigineqarpoq.

## **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusaaq 1C14-4, Nuutoqaaq, Nuuk.  
Nunap assinga ilanngullugu 1A & 1B, 2A & 2B kiisalu 3A & 3B immikkoortumik takussutissiisut aammalu sanaartorfissaaq C6 ilanngunnagu.
4. Suliniutit tiguneqartut.

## **Punkt 05E: Holmit Illuat, B-615 Nuummiittoq**

### **Beslutning**

Inassuteqaat akuersissutigineqarpoq.

## **Holmit Illuat, B-615 Nuummiittoq**

Siunissami atorneqarnissaa

Aalajangiiffigisassaq

J.nr.: ANL-2021-00002

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivik siunissami Aqqaluup Aneerasaartarfiata ineriartortinneqarnissaanik aallartitsivoq. Tassunga atatillugu ersarissivoq, Holmit Illuat (B-615), aneerasaartarfiup qeqqani inissisimasooq pillugu kissaatigisat isummallu amerlasuujuusut. Taamaattumik ingerlatsiviup siunnersuutigaa, illumut tunngatillugu immikkut ittumik suliniuteqartoqassasoq, taamaasilluni aneerasaartarfik tamakkerlugu ineriartortitsinissamut peqataasinnaaqullugu.

Suliniuummi pineqarpoq, imermut attavilernissaa, innaallagissamut kuuffissuarnullu, aammalu nutarterneqassasoq assigiinngitsunik immaqalu taarseraattunik atuuffilersorlugu, tamakkununga ilanngullugu saqqummersitsivittut, cafetut allanillu tamanit peqataaffigineqartartunik. Taamaaliornikkut aneerasaartarfik uummarinnerulersitseqataaffigissavaa, tamanillu aneerasaarsinnaanermut neqerooruteqarfiulersinneqarluni, maannakkutut aqqusaartarfiinnartut atorunnaarluni.

Suliaq Sanarfinermut Avatangiisinullu Ataatsimiititami ulloq 08.03.2021-mi ataatsimiinnerani oqaluserineqarpoq, ataatsimiititalu inassuteqaat akuersissutigaa suliarlu akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatiga:

- B-615-ip Nuummiittup siunissami atuuffissaa pillugu siunnersuut akuersissutigineqassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivik siunissami Aqqaluup Aneerasaartarfiata ineriartortinneqarnissaanik aallartitsivoq. Tassunga atatillugu ersarissivoq, Holmit Illuat (B-615), aneerasaartarfiup qeqqani inissisimasooq pillugu kissaatigisat isummallu amerlasuujuusut. Taamaattumik ingerlatsiviup siunnersuutigaa, illumut tunngatillugu immikkut ittumik suliniuteqartoqassasoq, taamaasilluni aneerasaartarfik tamakkerlugu ineriartortitsinissamut peqataasinnaaqullugu.

Ingerlatsiviup siunnersuutigaa illu attavilersorneqassasoq imermut, innaallagissamut kuuffissuarnullu illulu nutarterneqassasoq assigiinngitsunik immaqalu taarseraattunik atuuffissalerlugu, ataani nassuiaatigineqartunut. Ingerlatsiviup nalilerpaa illu najugaqarfissatut naleqqutinngitsoq, ilaatigut inissisimaffia pissutigalugu, tamanit iserfigineqarsinnaasoq, ilaatigullu illup periarfissarititai.

Kuuffissualersorneqaruni, peqatigitillugu illup sanilia kuuffissuarnut atanilerneqarnissaanut periarfissiisoqassaaq.

Illup siunissami atorneqarnissaanik ingerlatsiviup siunnersuutaa innuttaasunik peqataatitsisimanermit tunngaveqarpoq, 2020-mi aasakkut ingerlanneqartumit. Tassani maani kulturimik sullissiviit arlallit erseqqissaatigaat, illup taarseraattunut atorneqarnissaa

kissaatigineqartooq, tassunga ilanngullugu piffissami killilimmi saqqummersitsinernut. Aamma kissaatigineqarnikuuvoq illu sukuutsinik atukkiussisarfitut atorineqassasoq imaluunniit aneerasaartarfimmi arlaanik susoqartitsineranut atatillugu katersuuffissatut.

#### *Aaqqiissutissatut siunnersuut – suliatigut naliliineq*

Illoqarfimmik inerisaanermut immikkoortortaqaqfiup immikkoortumut iluaqutissaalluurtutut isigaa, illu siunissami tamanit iserneqarsinnaasunngortinneqartuuppat. Aneerasaartarfiup aqquasaarneqaannartanninnissaa tamatumuuna anguneqassagaluarpoq, aammali eqqissisimaartarfittut. Aamma nutarterneqaruni tamassuma ineriartortinneqarnissaa aallartinneqarsinnaalissaaq.

Illup qitiusumik inissisimaffia pissutigalugu, illoqarfimmi sumiiffimmilumi, assigiinngitsunik atuuffeqarsinnaavoq, tamakkununga makkua assersuutigalugit;

- Cafe
- Saqqummersitsineq
- Assasukkanik tuniniaavik
- Sukuutsinik atukkiussisarfik
- Oqalugiartarnerit
- Qanilluni tusarnaartitsinernut ikittuinnarnik tusarnaartulerluni

Illu assigiinngitsunik susasaqarfiussappat, pisariaqartitanut assigiinngitsunut tunngasunik, ingerlatsiviup siunnersuutigissavaa, illu nutarterneqassasoq marlunnik perusuersartarfilerlugu, illup qalia aninganeralu qanittuussapput, attavilersuisoqassaaq innaallagissamut, imermut kuuffissuarnullu aammalu igaffeeralerneqassalluni.

Atortut ninngusuujussapput, iikkat natillu, taamaasillutik nungullanngikkaluarlutik qarsorsinnaaniassammata. Tamanna anguneqassaaq siunertanut assigiinngitsunut atorineqartalerpat, aserfallatsaaliinermullu aningaasartuutikillisaataassalluni.

#### *Aningaasatigut sulisoqarnikkullu naliliinerit*

Siunissami atorineqarnissaa ingerlatsinermut aningaasartuutunik attartortitsinermilu isertitanit tunngaveqassaaq.

#### *Inatsisitigut tunngavissaq allakkallu tunngaviusumik uppernarsaatitalit*

- o Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq

#### *Ingerlariaqqinnissaq*

Ingerlatsiviup suliniutissatut siunnersuut aallartissavaa aammalu naleqquttumik nutarterneqarnissaanut akinik pissarsiniassalluni. Tamatuma kingornagut tamakkua sanaartugassanut missingersuutit iluanni aningaasaliissutinut naapertuuttuunersut ingerlatsiviup nalilersussavai.

#### **Aningaasaqarnermut Allatseqarfimmit oqaaseqaatit**

Pisiariaqanngilaq.

#### **Innuttaasunik peqataatitsineq/attaveqaqatigiinneq**

Innuttaasut marloriarlutik immikkoortillugit peqataatinneqarnikuupput Aqqaluup Aneerasaartarfiata tassunga ilanngullugu Holmit Illuata, B-615-ip siunissami atorineqarnissaat pillugu.

#### **Ingerlatsivinnit allaniit oqaaseqaatigineqartut**

Soqanngilaq.

**Siusinnerusukkut aalajangernerit:**

*Sanarfinermut Avatangiisinullu Ataatsimiititaq 08.03.2021:*

Inassuteqaat akuersissutigineqarpoq.

**Ilangussat**

Soqanngilaq.

## **Punkt 6: Taasariaqartut allat**

### **Beslutning**

Henrik Rachlev (IA): Suleqatigiilluarsimanermut qujassuteqarpoq, qinigassanngortillu qineqqusaarluarnissaannik kissaallugit.

Peter Davidsen (S): Suleqatigiissimanermut qujassuteqarpoq, qinigassanngortillu qineqqusaarluarnissaannik kissaallugit.

Charlotte Ludvigsen (IA): Suleqatigiissimanermut qujassuteqarpoq, naak qujavoq qinigaaffiup affaani allannguisoqarnikuugaluartoq. Innuttaasut pillugit ataatsimiititap sulisarsimanera qujassutigaa taamatuttaaq qineqqusaarluarnissamik kissaassilluni.

## **Punkt 7: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 14.45.